



ALTERNATIV DEMOKRATESCH
REFORMPARTEI

Groupe parlementaire

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Tratten, den 22. Mäerz 2019

Här President,

sou wéi d'Chambersreglement et virgesäit, bieden ech Iech, dës parlamentaresch Fro un den Här
Gesondheitsminister weiderzeleeden:

Den Oste vum Land ass nach ëmmer ouni Maison Medicale. Am Kader vun enger
gudder Gesondheitsversuergung misst awer och d'Populatioun aus dem Osten e Recht op dës
wichtige Service hunn, bei de betraffene Bierger besteet déi Demande op alle Fall scho laang. Eisen
Informatiounen no, ass de Centre Medicale zu Iechternach prett fir dës wichtigen Service z'iwuerhuelen
an huet och schonn eng deementspreechend Ufro beim Gesondheitsministère gemaach.

An deem Zesammenhang wéilt ech dem Här Minister dës Froen stellen:

1. Reagéiert d'Regierung elo favorabel op d'Demande vum Centre Medicale, fir och kënne
Maison Medicale ze sinn, an sou enger wichtiger Demande vun de Bierger aus dem Osten
nozekommen?
2. Vu datt et Maisons Medicalen zu Esch-Uelzecht, an der Stad Lëtzebuerg an och zu Ettelbréck
ginn, wéi begrënnt d'Regierung, am Fall vun enger negativer Decisioun, de Fait datt d'Regioun
Osten weiderhin als eenzeg Regioun vum Land keng Maison Medicale soll hunn?

Mat déiwem Respekt,

Jeff Engelen
Deputéierten